

De

FASCINATIONE PUERORUM ET ADULTORVM.

Quam

Sub PRÆSIDIO

Sacro sanctæ Trinitatis,

Felicissimæ Machinationum diabolicarum vastatricis
& debellatricis,*Ex*DECRETO ET AUTORITATE NOBILISSI-
MI, AMPLISSIMI, ET EXCELLENTISSIMI,*In Inclyta Argentoratensi Academia,*

COLLEGII MEDICI,


P R O

SUMMIS IN ARTE MEDICA PRIVI-
LEGIIS DOCTORALIBUS LEGITIME CONSEQUENDIS
SOLENNI

Eruditorum disquisitioni submittit

JOHANNES SEBASTIANUS OTTO

Ulmenf.

ad diem 23. Mens. Mart. M DC LXIV.
ARGENTORATI,

Literis Joannis Friderici Spoor.

U I R I S
Magnificis, Nobilissimis, Plurimum Reveren-
do, Amplissimis, Excellentissimis, Consultissimis,
Experientissimo,

Dn. MARCO OTTONI, JCto, plurium Sta-
tuum Sacri Romani Imperii, inprimis Inclytæ Reipubl. Ar-
gentoratenfis Consiliario, & Advocato eminentissimo,
Dn. AGNATO Parentis instar observando, & Pa-
trono summè colendo.

Dn. JOHAN. CONRADO DANNHAWERO,
S.S. Theol. Doct. & P. P. famigeratissimo, Conventus Eccle-
siastici Præsidi, Capit. Thomani Decano, Fautori
sanctissimè venerando.

Dn. SEBASTIANO OTTONI, JCto, Serenissimi
Ducis Würtemberg. Weilthing. Reip. Ulmenfis, aliorumq;
Statuum Imperii Consiliario & Advocato ordinario,
Dn. PARENTI filiali observantiâ prosequendo.

Dn. JOH. FRIDERICO BEZÆ, Medicinæ
Doctori & Practico excellentissimo, experientissimo, Pa-
trono & Hospiti benignissimo,

Hæc Disputatione Inaugurali

obsequi sua deferre

voluit, ut debuit

JOH. SEBASTIANUS OTTO.



I. N. D. I. C.



Artareum illum Piscatorem
 magnæ esse virtutis, virium valentissimarum,
 calliditatis incredibilis, sapientiæ plus quàm
 humanæ, perspicacitatis acutissimæ, vigilan-
 tiæ summæ, artificii, technas struendi per-
 nitiosissimas furo speciosissimo, incompara-
 bilis, malitiæ infinitæ, odii erga genus humanum, quod per-
 petuâ consecretur invidiâ, ἀσπρόνδ' & ἀννέες, docent sacrarum li-
 terarum monumenta; quibus Patrum plerorumque accedunt
 scripta; quorum veritatem abundè satis confirmat experientia.
 Illa plurima magni momenti dicta, magnique ponderis exem-
 pla suppeditant; Spiritus sanctus adumbrat eum ut venatorem,
 leonem rugientem, aliter: exempla Idem depingit Hiobi, Sau-
 lis, lunatici. Ista Tertullianum, Augustinum, Chryso-
 stomum, Eusebium, cum primis verò, lacteum eloquentiæ flu-
 men, Lactantium Firmianum, agnoscunt. Dæmones sunt spi-
 ritus nocendi cupidissimi, à justitia penitus alieni, superbiâ tumi-
 di, invidentiâ lividi, fallaciâ callidi, Augustinus. Hostis ille
 Dei & Ecclesiæ, (inquit Eusebius) potissimum omnis honesti o-
 for & malitiæ amator, nullam unquam rationem hominibus
 insidiandi intentatam omittit.

l. 3. d. civit.
 Dei, c. 22.
 l. 5. c. 14.
 Hist.

Hanc, fidissimam rerum magistram, palam faciunt men-
 tis turbationes, corporisque ægritudines, quibus homines,
 permittente Deo, ab hoste infensissimo, miserè contorquentur:
 sensus namque exteriores ab eo decipi infinita probant exempla;
 interno autem sensu, ut instrumento utitur idem, quo aliquid
 attentet ac moliatur in ipsas animæ potentias. Et phantasiā

dem semper simul turbat dæmon, cum lycanthropiam hominibus persuadet:

Quô referendam judicat Jordanus Turcarum incantationem, quâ servos fugitivos retrahunt, nomine eorum in schedulâ scripto, eoque suspenso & diris devoto, Bartholomæo Georgievizio memoratam; nempe fit vi dæmoniacâ, ut fugiens putet sibi in itinere vel leones, vel dracones incurrere, vel mare, vel flumina contra se exundare, vel omnia tenebris nigrescere, iisque terriculis repulsus ad herum in servitutem pristinam, morte durior, redit.

de morib9
Turcarum.

Quid de morborum inflictione proferamus? annon omnia tria morborum genera inducere valet Dæmon? Intemperie corporis humani variè abutitur: conformationem multifariam labefaciat, totum quandoque corpus enervando, articulis velut tormento luxatis, divulsisque: ad continui solutionem pertinent fracturæ crurum & brachiorum, quales mellores Russorum, nisi protinus, spectro viso, in terram proni concidant, experiantur. Ex quibus elucet, cognitionem morborum ex Fascino haud superficiali de se spargere Medicis utilitatem, cum non raro in talibus morbis consulantur; ut patet ex Amato Lusitano, cent. 6. obs. 87. qui, cum mulier quædam apud Judices accusata esset, quod juvenem nobilem excantamentis surdum reddidisset, ipse, an surditas illa ab incantamento, vel causa naturali, proveniret, consultus est.

Ea propter cum Examinibus ritè peractis, ab Ampissimo Facultatis Medicæ Senatu, pro Summis in Arte Medicâ privilegiis & honoribus legitimè consequendis, Disputatio placida Doctorum censuræ submitenda gratiosè sit concessa, de Fascinatione puerorum & adultorum quasdam lineas ducere nobis constituimus, difficilem quidem materie delineationem, tùm quoad se, & paucissimorum Autorum operam, quam ipsi dedicarunt, facile agnoscimus, attamen eò magis virgulæ censoriæ vibrationem leviolem speramus, quò minus frequens in foro medicorum venditari solet; nec pigebit, sicubi hæsitamus, quærere; nec pudebit, sicubi erramus, discere. Summi Jehovah auxilio præpotenti, quod humili flagitamus animo, suffulti atque sustentati.

Th. I. Non rarò pueris & adultis accidit, ut adeò emarescant & macie corripiantur universi corporis, cum febre, vigiliis, inappetentiâ, & aliquando sine febre, quòd Medici quandoque sententiam ferant, fascinatione esse affectos.

Ideoque hujus definitionem, Causas, Signa, curationem, delibaturis, frustraneam operam insumere, nobis non persuademus; antequam autem talia degustemus, generalem tractationem de *Fascino* præmittendam esse judicamus, in cassum namque allaboraturi videremur, quod si quæstioni, an sit, primo loco non fecerimus satis. Quæstio igitur primaria hæc est; *An dentur morbi à Fascino?*

Th. II. Sunt nonnulli, hanc sententiam foventes, non solum infantes, qui optimè valent, sed & alios in tabem & pessimum statum conjici, immò & res alias posse læsioni esse expositas. & quidem tribus modis. Primo, visu; deinde, voce. Tertio, contactu & contrectatione: Atque hanc suam opinionem probare satagunt, primò variis exemplis, & Poëtarum, Historicorum, ac Philosophorum autoritatibus.

Plinius ex Trigono scribit, quòd in Triballis & Illyriis sint, l. 7. c. 2. qui visu effascinent, interimantque, quos diutius intuentur, iratis præcipuè oculis.

Idem scribit, in Africâ familias esse effascinantium, quarum laudatione intereant probata, arescant arbores, emorian-
tur infantes. Joh. Baptista Codronchius, veneficæ mentionem facit, quæ solum ventrem fœminæ cujusdam blandè contrectando fœtum ejus enecavit. de morb. venef. l. 2. c. 3.

Th. III. Deinde idem rationibus probare, & eorum, quæ allata sunt, causas reddere conantur; & primò quidem *ἀπορροὰς* illas & vaporum effluvia afferunt, qui non solum ex animalibus, sed & plantis & gemmis fiunt; & in specie, de visu addunt nullum reperiri in humani corporis fabricâ sensûs organum, quod tanta spirituum copia scateat, & fulgorem ex se emittat, ut oculus, idque exemplo micantium Augusti, & Tiberii Cæsaris oculorum è Suetonio probant.

Secundò in specie id declarant exemplo fœminarum menstruo laborantium, quarum superventu acescunt musta, flave-

scunt tactæ fruges, alvei apum emoriuntur, specula lucidissima, si ea inspiciant, inquinant. Cum ergo in mulieribus tale quid generari possit, non impossibile esse, putant, homines quosdam talem nocendi vim habere posse. 3. Exemplum basilisci, qui solo visu necare possit hominem, adducunt. 4. Ex viribus imaginationis idem probare conantur.

Th. IV. Alii, contra, omnia illa, quæ de Fascinatione dicuntur, fabulosa & falsa esse existimant. Ex hac ergo controversiâ ut nos expediamus, primò ambiguitas vocabuli Fascini distinguenda. Cum enim vocabulum *Fascini* tribus modis accipiat, etiam non una, sed triplex quæstio est, an dentur morbi ex Fascino.

Th. V. Primò enim fascinatio sumitur sensu vulgari, qui apud Poëtâs occurrit, & in vulgi ore ac animo est, quæ solo visu ac voce, vel tactu induci putatur. Secundò Fascinatio interdù accipitur pro læsione, quæ alicui à corpore alio noxio & venenato per occultas ἀπορροίας & effluvia affertur. Tertiò est Fascinatio *magica* dicta, quæ nihil aliud, quàm incantatio & veneficium. Et quidem quantum ad *Secundum Genus*, Reverendus noster Senex, Dn. D. Melchior Sebizijs, Patronus observanti animo omni ætate prosequendus, in quâdam Disputatione, de Contagio, occulta rerum effluvia dari concedit: propriè autem Fascinatio non est, sed morbi, qui inde excitantur, ad morbos contagiosos & venenatos optimo jure referri possunt.

Th. VI. *Primum genus* fascinationis dari inficiamur, nulloque eo morbum induci posse; & quæ de eo vulgò creduntur & dicuntur, fabulosa & superstitiosa esse; omnia verò, quæ ad id probandum supra allata sunt, saltem de effluviis illis occultis vel incantationibus magicis vera esse ducimus. Et *visum* quidem quod attinet, cum visus sit actio immanens, & fiat per specierum visibilium receptionem, non spirituum opticorum emissionem; & visus, quatenus talis, ab objecto aliquid recipiat, non verò in objectum agat, facilè hinc patet, *visu*, quatenus talis, neminem alteri aliquid damni afferre posse.

Th. VII. *Vocis* eadem ratio est, etenim vox, quatenus talis,

alis, nullam nocendi vim habet, si quis verò alicui nocet, id potius per effluvia illa maligna accidit, quæ ex ore cum voce exhalant. *Tactu* denique non solum corpora ægra aliis suos morbos, ut Luem Veneream, pestem, communicare posse, manifestum est; sed & ea corpora, quæ quidem nullo morbo laborant, & in speciem sana sunt, etsi venenata sint, aliis contactu nocere possunt. Qualis fuit puella illa veneno nutrita, Alexandro M. ad eum perdendum dono missa. Verum ista ad *Fascinationem* nihil faciunt, nec taliter læsi, fascinati esse dicuntur; & quando per *tactum* læsiones fiunt, per effluvia è corporibus ægris aut venenosis fiunt; His autem non præsentibus solo contactu læsione factâ, ad actiones magicas pertinet.

Th. VIII. Quæ omnia facili negotio argumenta fascinationem probantia solvere poterunt. Exempla ex Poëtarum & Historicorum scrinio deprompta, plurima falsa & superstitiosa deprehenduntur, si quæ verò revera acciderint, ea vel effluvia occulta, vel incantationem agnoscere, in propatulo est. Ratio de ἀπορροιας petita, nihil ad rem facit; morborum generices esse, effluvia illa occulta, concedimus, sed læsiones illas, fascinationes, negamus. Exempla fœminarum & basilisci nil probant, nec læsiones istæ à visu, quatenus talis, sed effluviis, à fœminarum ore & naribus potius, quàm oculis, exhalantibus, proveniunt. Magnas imaginationis vires largimur, eas autem extra corpus proprium se extendere, & vel in aërem, vel in aliud externum corpus agere, falsum judicat Clar. Sennertus.

Th. IX. *Tertium genus* Fascinationis dicitur *magicum*, seu diabolicum, & propriam Fascini denominationem obtinet, quodque nostro proposito est destinatum. De *tali* igitur controversia agitur difficultate non destituta, & quæ plurimorum virorum aciem ingenii exercuit. Saniora judicia censentur affirmantium. Nec abs re, consona namque in scriptis Theologorum, Jurisconsultorum, Medicorum & Philosophorum plurima reperire licet.

Signa morbi speciem patefacientia; curationes, (in quibus quæ observanda, inferius indigitabimus) & exemplorum varietates, à viris fide dignissimis desumptæ, idem docent & firman-
mant:

l. 2. d. div.
nat. cha-
ract. c. 4.

de morb.
venef. l. 3.
c. 6.

in epist.

l. 3. d. præ-
fig. dæ-
mon. c. 14.

mant : inspiciatur historia puellæ, mirabili vomitu vexatæ, quàm proponit, oculatus testis Cornelius Gemma. Haud dissimilem vomitionis narrationem, in melancholico, ex Franc. Hildesheim. spic. 2. hauriri potest. Baptist. Codronchius Comit. in Argentoratensi ditione meminit, qui per tres annos ligaturâ tenebatur. Abortus exemplum petatur ex dictis : Amoris & odii inter conjuges idem suggerit Codronchius, & quidem juvenis meminit, qui adeò perditè, veneficam mulierem adamavit, ut formosam alioqui uxorem unâ cum filiis reliquerit, & cum pellice suorum immemor vitam eousque traduxerit, donec uxor veneficii instrumentum invenisset ; bufonem nimirum sub lecto ollæ inclusum, confutis oculis, eo igitur abrepto, & oculis solutis, postea igni concremato, confestim vir, suorum recordatus, tanquàm è somno surgens, ad uxorem & filios est reversus. Ophthalmiæ ex incantatione meminit vir quondam *Excellentissimus, Gregor. Horstius*. Pestis Hercules de Saxoniâ : Picturæ miraculosæ, Hahnus; aliorum alii.

Huic sententiæ sint licet ex parte adversi, Johann. Wierus, & Cornel. Loofeus, sagarum strenui patroni, læsæ imaginationi, à dæmone corruptæ, tribuentes, ut hâc ratione lamia fecisse constanter fateantur, quæ nec facere potuerint, nec in rerum naturâ unquam fieri ipsa natura patiatur ; additque Wierus, diabolum ad eam rem maximè iis uti, qui sunt melancholici, tristes, DEO diffisi, impiè, illicitè curiosi, perversè in religione Christianâ instituti, mulierculæ effœtæ, stupidæ, sensibusque vacillantes. Plerique tamen virorum doctorum verentur, ne sit erroneum hoc *λίαν μέγα ῥηγάδοξον καὶ ἀίτημα* Wieri, viri quantumvis maximi. Luculentè hoc scriptis passim demonstrarunt eruditi, nec fert ratio instituti nostri, in eo multis hîc occupari. Qui negant maleficium, verissimè scribit Delrio, eos & sacrae literæ, historici, poëtæ, communis consensus & seculorum omnium memoria damnat. Nec Wierus quæ objicit, magni momenti sunt : etenim non solum anîs melancholicas, & imprudentes fœminas, sed & juvenculas, viros item nullo modo melancholicostalia perpetrasse, historiæ testantur.

Et si saltem melancholicæ & deliræ essent veneficæ, omnibus,

bus, ut solent melancholici, palam sua mirabilia patrandi scientiam prædicarent, quod tamen nullæ veneficæ faciunt. Præterea si melancholicæ essent fœminæ, quæ sit, inquit *dodissimus Sennertus*, quod tot seculis, tot diversis locis capta sagæ in confessionibus consenserint; equidem melancholici plurima incredibilia sibi persuadent, & vix duo reperti, qui unum sibi imaginati fuerint.

Th. XI. Sed calami cursum luxurientem intercipimus, & Generali, de Fascino, tractationi, specialem, puerorum & adultorum, subnectimus; à *definitione* exordientes; talem autem in scenam producimus, quæ eam differentem reddat ab aliâ macie, & affectu quocunque. & est.

Th. XII. *Fascinatio* puerorum & adultorum est maligna Consumptio universi corporis; propter facultatem nutritivam totius frustratam à maleficâ vi.

Th. XIII. Quæ definitio ut bene elucescat, sub incudem revocanda, & scrupuli, ipsam infestantes, averruncandi. (per consumptionem maleficam, seu malignam) intelligimus maciem, tabem, & diminutam quantitatem occultam, abditam, admodum adversam, & contrariam naturæ humanæ, quæ aliquando vocatur à Galeno, à proprietate totius temperamenti, totius substantiæ, & totius formæ; *Verum*, cur consumptio malefica debeat appellari, non immerito explorandum; cum possit concitari à menstruata muliere, ut docet Arist. nec non etiam à viris, qui pravis nutriuntur cibariis, ut erant populi illi in Thessaliâ, & puellâ illâ asueta venena sensim & sensim assumere, plantasque venenatas; coacervabantur in his excrementa prava, à quibus vapor malignus effluebat, & hinc fascinabat, & lædebat nutritivam facultatem. Præterea, nonne à cœlo, à victu pravo potest oriri hujusmodi consumptio? Ergò non appellanda malefica; nonne scabies, phthisis, lepra, hæctica febris, & plures alii affectus valent inficere corpora humana, & in tabem transmutare?

Th. XIV. Ergò dicendum, nomen, *maleficum*, duabus absolvi significationibus, & dupliciter usurpari. *Primo*, pro quolibet pravo humore contrario ex toto temperamento tem-

periei naturæ humanæ. *Altero modo* accipitur, prout vel mediatè, vel immediatè à dæmone & pravis hominibus exurgit, respectu agentis, & modi agendi, quia modus, quò dæmon utitur, & striges, est admodum occultus, & ultra naturalem, ac ordinarium modum agendi; & hoc pacto, & ratione noxæ, & modi, & dirigentis, nempe dæmonis, debet appellari maleficus propriè, exquisitè, & simpliciter. Ex quibus inferre minimè licet, definitionem esse imminutam, cum ab aliis causis commemoratis, hæc consumptio ortum suum agnoscere possit; respondendum enim, concedendo, sed nos de Fascinatione maligna & maleficâ, præcipuè factâ à dæmone, vel ab incantationibus & strigis, sermonem instituere.

Th. XV. (Per universum corpus) intelligimus præcipuè partes carneas ac pingues, nam pinguedo primò, & postea caro absorbitur, & tandem & partes spermaticæ, & illarū humiditas contabescit, ut aut marasmus torridus, aut frigidus, aut hectica appellari possit. Et quantumvis nonnunquam partes particulares, ut ventriculus, cerebrum, aliæ, afficiantur, attamen illarum maciem particularem universalis insequi solet; universum quidem corpus est subiectum universale Fascinationis, alia verò membra erunt subiecta particularia causæ antecedentis, à quâ postea macies producitur universalis maligna gradu & noxâ.

Th. XVI. (Pueri & adulti diximus) quia loquimur præcipuè de hâc ætate, usque ad annum 14. qui ob laxam & tenellam carnem faciliè recipiunt impressionem maleficam, nam actio activorum fit potissimum in patiente benè disposito, ut docebat Galenus & Arist. Et licet aliarum ætatum aptitudinem ad talem labem suscipiendam concedamus, notandum tamen, nos loqui de illâ, quam ut plurimum evenire videmus, & de corporibus magis aptis, uti corpora puerorum calidorum & humidorum.

Th. XVII. Remanet, ut altera pars definitionis explicetur, quæ erat quidditas & causa efficiens maleficæ consumptionis; (propter nutritivam facultatem frustratam totius corporis à maleficâ vi) Si facultas nutritiva universi corporis frustratur, neces-

l. r. d. diff.
febr. c. 4.
2. d. ani-
mâ.

necessariò alimentum non potest optimè confici, hoc vitium pertinet ad concoctionem ultimi alimenti, nempe sanguinis & humorum secundariorum. Equidem frustrari potest in universo corpore, vel ob morbos, in intemperie, vel malâ compositione, vel solutâ unitate: vel ob causas morbificas: vel symptomata, sed potissimum semper vitio alimenti ultimi & immediati, quod vel peccat substantiâ, quantitate, & qualitate. Nec aliquis nobis objiciet, facultatem, tanquam formæ substantialis potentiam, non esse alterabilem, (attestante Aristot. Si senex haberet oculum juvenis, videret, ut juvenis.) igitur facultas nutritiva semper eadem in juvene, & in sene. Dicimus enim, omninò facultatem in se esse impassibilem, sed variari & lædi, quia læduntur ejus immediata instrumenta, quibus utitur ad operationes suas edendas. *Et hisce causas internas absolvimus.*

Th. XVIII. Tandem addimus (à vi maleficâ) quæ est igitur hæc vis malefica, quæ valet malignè lædere facultatem nutritivam, & malignum effectum parere in universo? malefica vis duplex ab autoribus statuitur; una est malefica, quæ licet producat à causis naturalibus, attamen est admodum adversa & occulta naturæ humanæ, potest produci (juxta Collem) vel à cælo, & motu astrorum maleficorum: Saturni & Martis, quæ causæ dicuntur astrales: vel, *Secundò*, ab aëris pravâ constitutione, benignâ, vel malignâ, contagiosa, vel non contagiosâ, epidemia, vel endemia, vel sporadicâ: vel, *tertiò* à victu, nempe, cibis & potibus. *Quartò*, à Semine vitioso, unde morbi hæreditarii & nativi; Et hæc est impropriè dicta Fascinatio. nostroque Themati aliena. Altera verò malefica vis suscitatur immediatè à dæmone, vel mulieribus maleficis, cum expresso, vel tacito pacto dæmoniaco: *quæ propria & legitima Fascinatio est, nostræ considerationi occurrens.*

Th. XIX. Dicitur *malefica vis* & nobis ignota, & dæmoniacæ, non solum quia producit à dæmone, sed quia modo occulto, & nobis ignoto, & admirabili, nutritivam lædit. Viri etiam & mulieres maleficæ his modis *virtute dæmoniacâ* in corpus agere, idem asserit Colle, utuntur osculis, cibis, philtris, tactu, halitu, incantationibus, aliis, per quæ omnia transit

l. 3. d. sp.
part. p. 1.
¶ 4. f. 6.

occulta quædam vis efficacia demoniaca adversa naturæ humanæ, & admodum destructiva, hinc nutritiva vis, & præsertim nutritiva instrumenta, quibus utitur ad nutritionem, læduntur, & à totâ substantiâ, totoque temperamento, secundum omnes, primas & secundas qualitates ejus. A quibus fortean non abludunt verba Delrio, dæmonem, scribit, esse causam externam, eo quod extrinsecus advenit corpus inhabitaturus, & morbos illi illaturus. Dico ex rebus venenosissimis eum educere quandam quasi quintam essentiam, (ut ex gemmis & auro solent chymici) & eâ inficere ipsos Spiritus vitales, & sic eum malefico morbo imbuere. Hæc ille.

Th. XX. Ista autem, quam posuimus, *malefica vis* scrupulum alicui injicere posset, cum hanc consumptionem Deus, & ipsi Angeli boni, producere possint, & Angeli mali nihil agere queant, nisi permittente Deo, quomodo igitur dictum, à maleficâ vi? Respondemus, posse Deum, & Angelos multas infirmitates parere, ut testantur sacræ paginæ, & propter justitiam, & propter vindictam, aut ut manifestetur gloria Dei, aut ut impii corrigantur, aut ob alia arcana, & Dei consilia nobis ignota, quæ tamen omnia ad salutem humanam diriguntur; dicendum igitur, nos per maleficam vim præcipuè intelligere dæmones, vel ejus ministros, quia effasciatio potissimum excitatur ab his, & malis Angelis, ac ministris eorum.

in Philo-
soph. vet.
restit.

Th. XXI. Antequam pedem moveamus ad alia, digressioni paululum studebimus. Dictum, dæmonem, modo agendi, nobis ignoto, vim maleficam, quâ nutritiva facultas infirmatur, exercere: contrarius videtur Joann. Marcus Marti, (Excell. D. Jo. Daniel. Horstio, vir apprime doctus & excellens) quem nonnulli modum agendi Sitanæ explicationi stilo indiguisse, scribunt: lubet viri atutissimi verba, quoniam librum istum paucissimorum manu tractant, huic paginæ inferere: Cum fascinum requirat certam distantiam, quò illius vis eo pertingat, necesse est, effluvium quoddam corporeum eousque produci; quod non aliter corpori incidit, quam halitus mulieris menstruata speculo; spiritumque insitum, atque hujus archæum (quem præsupponit) labefactat, vi narcoticâ oppilando eo modo, quò umbra hyenæ canes, cujus indicium exercitatio crebra, cum pan-

dicu-

liculatione. Quam quidem oppilationem adducit idea ex ad-
 miratione invidiosa eidem effluvio impressa; & nisi remedium
 citò adhibeatur; febris ephemera, inde putris, ac demum mors
 sequitur. Confirmat hunc affectum illius remedium, suffumi-
 gatio nimirum ex certis herbis, & abstersio per urinam, sive,
 quam nitrosam; quam mulieres hîc injectis carbonibus ignitis
 parant: eâque halitu illo à superficie corporis deterso, ipsum
 purum ac perspirabile reddit. Amuleta verò & periapta, quæ
 contra fascinum appendi solent, cujusmodi peciæ panni rubri,
 dentes apri, partim ideas narcoticas cum effluvio dissipant, par-
 tim objectum sunt admirationis, quò in iisdem imaginatio ma-
 gica sistat. *Hæc Marci*: cujus ingenii acumen mirari potius,
 quam rimari hâc ætate mihi concessum.

Th. XXII. Explicatio definitionis exarata pau- Differen-
 cissimis sequuntur Fascinationis differentia; quæ petuntur à tia.
 formâ, & sede affectâ; ratione formæ, erit vel mediatè, vel
 immediatè à dæmone introducta: ratione loci affecti, vel oc-
 cupatur universum corpus, vel pars aliqua peculiaris, at semper
 vel ventriculi, vel hepatis, adest læsio.

Th. XXIII. Degustatis differentiis tractatio *de Signis* tra- Signa.
 mite recto incedit, quæ difficultatis non expers, cum mille for-
 marum protheus naturalibus causis sese sæpè immisceat, iisque
 utatur, ut non facile sit discernere, quid à causis naturalibus,
 quid ab ipso dæmone profectum sit. Immò in iis, quos obsedit
 sæpè sat diu sub naturalis morbi larvâ latet; exemplum ejus re-
 extat apud Fernel. qui sub larvâ epilepsiæ naturalis diu cum Col- 1.2. d. abd.
 legis deceptus fuit, irritis ultimò à dæmone Medicis, quod rer. caus.
 multa periclitati temerè essent, ac irritis pharmacis juvenem c. 16.
 penè jugulassent: æquè delusus fuit Jo. Echtijs, Medicus Co-
 loniensis, pilulis de cynoglossâ puellæ clam obsessæ somnum
 conciliaturus, quarum unâ devoratâ, digitoque alterum oculum
 occludente ægrotâ; vide, inquit dæmon, *quàm egregiè nunc dor-*
miam. Arduum itaque erit, nec, loquitur Jordanus, cujusvis
 medicastrî, talibus in morbis, (sive sint obsessorum, sive fasci-
 natorum:) cum Antonino Cæsare ingeminare illud Galenicæ
 industriæ debitum; *αὐτὸ ἐστὶν, αὐτὸ ὁ τῶτο, ὁ εἶπες, ἐστὶν!*

Th. XXIV. Difficultate interim mente non deterrita, signa ista accuratè Medicis examinanda veniunt, ne & nos in suspicionem vanam morbum dæmoniacum trahamus, atque ob hanc cum Ludovico Dureto, Altino, Jo. Riolano, aliisque Gallicis Medicis, cùm ejusmodi sese offerunt ægroti, risum eruditis debeamus. vid. Thuan.

l. 123. de
Marthâ
Brosseriâ.

Th. XXV. Quæ autem *generalia* certa statuenda sint, primâ fronte speculo lucido sese non offerunt; circumferuntur varia, quorum numerum complent multa superstitiosa & diabolica, cujus generis sunt explorationes per plumbum liquefactum (Saturno enim planetæ hanc vim tribuunt) per speculum Salomonis, per rosas, sulphur, thus; æquè stulta & diabolica est admotio illa columbi scissi ad orificium ventriculi, cum verborum quorundam admurmuratione: nec non verbenæ illud decoctum Baptistæ Codronchii, quò ægrum nonnulli abluere jubent, & si in decocto illo pili intus reperiantur, ajunt veneficiū adesse, eo gravius, quo major copia, sin verò nigricet decoctum, præstò esse ipsum gentis humanæ hostem. Jo. Agricola talem tractat explorationem, quæ fit ope cinerum, quibus, urinâ ægroti irrigatis, si innascantur pili, certum adesse signum morbi effascinati; & subdit; wie dieses nun mag zugehen / darff wohl nachdenckens / interim ist es gewiß.

in Chirurg
parvâ.

Th. XXVI. Quas plerasque celeberrimus D. Sennertus sufficienti fortean redargutione prosequitur, cùm in specie verbenæ decoctum his verbis alloquitur; cùm vi verbenæ pili illi nec generari in aquâ, nec è corpore elici possint; quis non videt, diabolum, qui morbum intulit, eos, qui superstitionem illam tentant, ludere.

in libro
Sacerdota-
li.

Th. XXVII. Sammarinus inter malefici signa numerat colorem faciei citrinum, oculos constrictos, membra ligata, humeros desiccos, cor constrictum, & os stomachale; in renibus dolorem, quasi à canibus lacerentur membra, bolum in gutture ascendentem & descendentem; & nonnulla alia parvi momenti; quæ multis etiam aliis naturalibus morbis competere, nemo non illicò animadvertit, clamat Jordanus; Tandem addit; potissimum, quando medicinæ applicatæ nihil profunt
infr-

firmiter. Hoc optimum ejus signum, idem judicat; nempe si
eritorum Medicorum cadat in vanum labor.

Th. XXVIII. *Placet*, specialioribus generaliora præmittere
gna, quæ postmodum illis ritè applicari possunt: ne autem
uis demonstrationibus inhiat apodicticis, præmunire lubet
erbis Delrio, de inquisitione sagarum, quæ commodissimè
nostro huic negotio accommodari poterunt: *In re adeò occultâ*,
& arduæ probationis, non est moderati aut sensati hominis, de-
monstrationes exigere, vel probationes luce meridianâ clario-
res; sed circumstantiæ omnes diligentissimè debent perpendi.

Th. XXIX. *Primum* ergò & præcipuum morborum à venefici-
is illatorum signum peti potest à juvantibus & lædentibus, quando
morbus nullis remediis, quantumvis exquisitissimis, (ut in ju-
vene Ferneliano) & secundum rectam rationem, & longam ex-
perientiam adhibitis, cedit, sed indies schemate deteriori ve-
stitur. II. Quando Medici, quique doctissimi & experientis-
simi in morbo cognoscendo dubii sunt, & hæsitant, ac omnino
fluctuant, & vix aliquid certi, quò vel sibi ipsis satisfaciant, sta-
tuere possunt. III. Signum est, quòd, cum morbi naturales
sensim incipiant, & sua tempora percurrant, & ad statum per-
veniant, morbi à diabolo inducti, sæpè nullis præsentibus cau-
sis, pravisque humoribus, statim in *ἀνμῆν* constitui videntur.
IV. Si inusitata, & à Medicis vix dum annotata, & quorum
nulla dari potest ratio, symptomata sese exerant; quando in-
super crebrò variant, nullo servato typo, vel levissimo, & mo-
dò in hac, modò in illâ parte ægrotantes de dolore conquerun-
tur intensissimo. V. Quando vel ægrotans, vel adstantes nul-
libi peccant, quod morbo ansam præbeat. Addunt nonnulli
& hoc, quòd, si sagæ, vel veneficus, ad ægrum visitandum ac-
cedit, statim ille pejus habere incipit, & horrore vel tremore
corripitur, vel, si infans sit, plorat, aliaque in corpore percipi-
tur mutatio. Hoc verò certissimum est morbi à veneficio illati
signum, si acus, cultri, & similia artificiosa, vel alia, quæ in
corpore humano generari non possunt, (nisi velis Democrate-
am & Epicuream revocare insaniam, ex fortuito atomorum
concursum omnia constringentem) vomitu, vel per alvum ejician-
tur, vel ex ulceribus & vomicis erumpant, aut extrahantur.

Th. XXX. Num

Th. XXX. Num ista prolata signis *maciei effascinate* harmonice respondeant, ex iis, quæ sequentur, palam fiet. De signis igitur *affectus propositi* brevissimis acturi consideramus ea ratione formæ, sedis affectæ, & causæ effectricis. Innotescit hæc effascination, quia adest consumptio universi corporis maligna, intensa & extensa, gradu, noxâ, efficacia agendi, & resistendi, prava nutritio, vel cum febre, vel sine febre, *absque alia causa manifestâ*; & hæc est consumptio universalis. Haud levis interea difficultas occurrit, quomodo distinguenda à phthysi, vel hecticâ, marasmo torrido vel frigido; distinguitur autem his signis. I. non habet causam manifestam. II. non potest tolli contrariis applicitis remediis. III. macies est ad extremum gradum efficacix & resistentiæ. IV. Alimenta, licet sint *εύχυμα, εύπεπτα, & πολυρόφα*, rectaque methodo administrata, nihil juvant: quam veritatem Novatores ignorasse, scribit Colle. Ergo tunc asserendum, illam maciem fuisse productam à causâ maleficâ, à toto temperamento, aut incantationibus, philtis & poculis amatoriis, & egere alexipharmacis adversantibus à tota substantiâ ipsi maleficæ vi, & consumptioni.

Th. XXXI. PROGNOSTICUM incedit. quò sanè nil in arte nostra gloriosius. nempe λέγειν τὰ προγινόμενα, γινώσκειν τὰ παρόντα, προλέγειν τὰ εσόμενα, juxta Hipp. Quibus omnibus adeò admirandum se præbuit Galenus noster, uti, propter certitudinem prædictionum de exitu morborum, *ἔδαδοξόλογον*; propter admirabiles verò successus in medendo, *ἔδαδοξόποιον*, plerique eum vocaverint; exceptis fortè Pyrrhoniis & Empiricis, quos instar mallei retudit. Summoperè tamen in prognostico formando cavendum à vanâ observantiâ, in omnium animadversione, esse, inculcat Doctissimus Hier. Jordanus.

Th. XXXII. Periculosam autem semper esse effascinationem, seu, maleficam consumptionem pueri, adulti, & senis, aut foeminæ, *magni nominis judicat Colle*, tum propter magnitudinem suæ essentix, propter præstantiam universi, tum propter causam maleficam, & maleficam vim agendo. Deinde est prava ratione subjecti, quia e. g. puer ad annum 14. usque obtinet corpus satis tenellum, ad recipiendas impressiones aptum

ptum, & vires in hujusmodi corpore admodum languescunt: non tamen ipsos deferere debemus, vel sint lactentes, vel non lactentes, nutricem etiam respicere oportet, & res naturales, non naturales, & p. n. considerare eorum omnium; sint etiam adulti & senes.

Th. XXXII. Restat CURATIO propositi nostri affectus; Curatio. cujus adumbrationem instituire, res est difficultatis plena; axioma hanc alloquimur, cedro digno, quod Petrus Forestus de omnium morborum curatione nobis reliquit: præstat, ut in eo in obs. magis laboremus, ut fideliter curemus, quam ut subtiliter disse- medic. ramus: nihil igitur eorum, quæ ad negotium nostrum pertexendum facere videbuntur, quantum quidem temporis, & paginarum penuria, concesserit, prætermittere volumus.

Th. XXXIII. Multi, (quod dolendum) naturæ & artis prætextu, velut duorum velaminum, magica & superstitiosa palliant remedia, alii prorsus illicita & diabolica commendant, alii solis naturalibus omnia transigi putant.

Th. XXXIV. Nos ductum sequemur plerorumque authorum, trivialem in morbis ex Fascino curationem nequentium, eam dispendentium *in magicam, naturalem, & divinam*. Et ut primò *Magica*. de *Magica* dicamus, illa, Hippocratis ætate, ubi divini suspicio in morbis aliquibus suboriebatur, locum sibi procuravit; morborum namque paulò abstrusiorum curandi ratio erat, aut ceremoniis quibusdam uti, aut Deos vel oracula consulere. Et pleraque oracula priscis temporibus per maleficas dæmones fundebant, tale antiquissimum omnium extitit Dodonæum in Græciâ. Horum causam physicam à multis allatam refutavit Jordanus.

Th. XXXV. Nec olim tantum, sed hodieque, maximo Christianismi damno, veneficii solutionem inprimis promittunt sagæ & venefici, ad quos sæpe vulgi, utinam interdum non etiam eorum, qui plus vulgo sapere debebant, fit concursus, tritum illud in ore habentes; *qui ligavit, ut solvat, necesse est*. Qualis saga in Constantiensi agro superiori seculo adeo celebris fuit, ut Dominus vici Richthauen ob hominum immensum confluxum canonem ab eâ exigeret; præter sagas consuluntur etiam arioli, magi, incantatores, necromantæ, adjuratores, quæ monstra hominum omne penè seculum tulit.

de morb.
invisib.

Th. XXXVI. Blasphemum *Paracelsi* os, nihil referre, ait, an DEUS, Angeli, aut Diaboli opem ferant, dummodo quis sanetur. Scribit namque, instinctu haud dubiè Satanico, hoc modo: Si DEUM toto corde amemus, etiamsi Diabolus nobis offerat argentum, aurum, juvet nos, exhibeat nobis medicamenta, eripiat nos ex carcere, credendum esse, hoc jussu Dei fieri. verum magna hæc *Paracelsi* est impietas! etenim diabolus, infensissimus gentis humanæ hostis, & ab initio homicida est, & propterea, nihil boni, ac nullius morbi curatio ab eo sperari potest. *Chrysostomus* rectè statuit, potius mortem homini Christiano obeundam, quàm vitam hominis ligaturis redimendam. Et *Leo* mandat literis, beneficia demonum omnibus esse nocentiora vulneribus. Graviter *Martinus Del-Rio* Jesuita; *Transfuga* ad Diabolum adeò divinam iram inflammant, pertinaci cupiditate, ut DEUS vel sinat illos à damone necari, vel, quæ gravior adhuc est pœna, ad eorum summum malum sinat illos, quod expetunt, ope demonis consequi. Sed dies veniet, quando intelligent, longè sibi utilius fuisse morbo affligi, immò & per summos diuturno tempore cruciatus emori, quàm superstitiosis artibus sanari. Hæc *Del-Rio*. Quid multis? ipse *Iehova* severè prohibuit magos consulerè; anima, inquit *Dominus*, quæ declinaverit ad magos, ariolos, & fornicata fuerit cum eis, ponam faciem meam contra eam, exscindam eam de medio populi mei. Itaque si remedia naturalia non profunt, ab uno Deo auxilium petendum, qui, si vult, semper juvare potest, si non vult, in ejus auxilio acquiescendum.

4. de Re.
publ.
in hæresiū
catalogo.

Th. XXXVII. Quibus autem *mediis* Curationem morborum ex Fascino, & per consequens, propositi nostri affectus, magicam perficere soleant, non latet, patet namque istarum ceremoniarum magicarum maxima varietas, ut huic *Augiæ* stabulo repurgando vix *Herculis* (uti ajunt) boves sufficerent. Fuere ejus generis jam tum olim apud *Ægyptios*, carmina secreta & incantationes magicæ. Persarum figuræ, characteres innotuerunt. Apud *Indos* olim solam fuisse medicinam, incantationem, auctor est *Strabo*. De *Tartarorum* superstitione *Plutarchus* quædam habet. De *Græcanicis* nugis *Plato*. Quæ *Philastrius* de superstitiosis *Hebræorum* phylacteriis ad imaginem ænei serpentis *Mosaicæ* habet; de quæ *Judaicis*, *Josephus*, notum. In

Th. XXXVIII. In superstitiones æquè absurdas consensere Arabes, quorum nobilis sectator est Savanarola, multa tanquam arcana remedia, ex arte magicâ petita, pro naturalibus venditans; hodieque magi omnes. Horrenda profectò sunt, & omnem impietatem excedentia, quæ impostor ille Helvetius, *Paracelsus*, scripsit; *Characteres* etsi diaboli forent, tamen habendum esse; quasi essent pyxides ex Pharmacopolio; si diabolus verbum pro herbâ accipit, sit nobis instar herbæ, verba sunt species, (in officinis) characteres illias composita & Syrupi.

Th. XXXIX. Secus tamen sensere etiam è pago ipsi coryphæi nostri, Hippocrates & Galenus, minus uterque superstitioni obnoxius. Illi, seu auctori libr. de morb. sacro, acriter, piè tamen, vapulant, qui orationibus, & certis ineptis sacrificijs morbum caducum se sanaturos profitebantur. *Claudius Galenus*, fraudes istas, lib. 6. de ut aniles fabulas, simulque præstigiaturas Ægyptias & Babylo- simpl. nicas planè rejicit. alibi ridet infantissimos Bamachij & Caria- med. fa- chiri, talis farinæ, libros. Quæ sanè laudanda sunt in homine cult. in gentili; hinc maximus vir, *Isaacus Casaubonus*, de Galeno tale ju- præfatio- dicio ferre nullus dubitat: *Galenum vocari ὁ θεός*, miror, virum epist. 135. tam assiduum in Dei sapientiâ prædicandâ (quicquid fiat de ani- ad Danie- mæ doctrinâ) Ego illum eo maximè nomine dignum laude & æ- lem Tile- ternâ prædicatione semper judicavi. num.

Th. XL. *Carolus Magnus*, *laudatissimus Imperator*, phylacteria, & falsas inscriptiones aut ligaturas vocat magicæ artis insignia. *Vlpianus*, princeps Jureconsultorum, incantationes l. 1. § 3. ff. de apertè rejicit & damnat, easque medicinæ annumerandas esse ne- extraord. gat. S. Augustinus ab Ecclesiæ unione excludit, qui characteres cognitio- nib. ægrotis apponunt.

Th. XLI. Nec sanè abs re tales talium morborum curationes annihilandæ. Mandatum divinum, cui unicè adhærendum, superiori assignavimus loco, neque ratio deest, quæ id nobis persuadeat; etenim quid verba, characteres præstare possunt? qualem opem morbis curandis ferre incantationes, adjurationes, alia? cum hisce nulla vis sit implantata ad morbos maleficos depellendos. nam verba saltem ex arbitrio hominum rebus imponuntur, & quidem apud nationes diversas diversa, & chartis vel illinuntur, vel ex ore proferuntur: in charta scripta saltem

figuræ sunt; & propterea nullius efficaciam compotes; verba verò prolata sonus sunt, ex aëris fractione ortus, saltem auditum afficiendi, & eorum, qui unâ lingua utuntur, sensa animi, patefaciendi vim habens, ipsos verò morbos, corporisque constitutionem tantum afficere non potest, quantum non potest color auditum, aut sonus visum afficere. Eadem characterum est ratio, qui cum res sint artificiales, in corpus humanum, quod naturale est, agendi vim non habent. omnis verò agendi vis substantijs competit, quæ à suis formis agendi potentiam sortiuntur, & per qualitates efficaces sunt.

Naturalis.

Th. XLII. Et Hisce, quid de *Curatione magicâ* sentiendum, absolvimus. Hanc sequitur CURATIO NATURALIS, quâ in præcipuè nobis sudandum. Cum hæc macies & consumptio totius corporis sit dæmoniaca, & ab ipso dæmone vel immediate vel mediate introducta, saniorum sententia circumfertur, quâ statuitur, curam directam proponi minimè posse, h. e. non dari talia remedia, quæ immediate agant in dæmonem, sed inducant dispositionem illi, quam ipse induxit, contrariam, aut quâ ad præstigias suas abutitur. Hanc secundariam & indirectam vim doctissimi quique agnoscunt, Franciscus à victoriâ, Dionysius Carthusianus, Franciscus Vallesius, Codronchius, & alii non exiguo numero; nam cum dæmones sint incorporei, & sensuum organis careant, à corporibus naturalibus affici, & ex iis, vel voluptatem vel molestiam percipere naturaliter non possunt.

in tract. d.
fascinat. in
pueris.

Th. XLIII. Cui sententiæ adversam proponit Colle; & hoc loco statuendum, dicit, contra Novatores, hæc remedia alexipharmaca duplicia esse, alia agentia immediate in dæmonem, tanquam in intellectum & substantiam separatam, & alia in effectus productos immediate, vel mediate à dæmone; pergit: sed statim dubitatur, res naturalis & materialis nequit agere in immaterialem; Respondendum, res naturales dupliciter considerari, vel ut sunt merè naturales, vel ut sunt species elicite à rebus naturalibus, vel ut sunt significativæ, e. g. fumus piscis inventus à Tobia fugabat dæmonem, non ut fumus materialis, sed ut species elicita, quæ intellecta à dæmone derogans majestati & superbiam suam, ille enim fumus non erat myrrhe, vel

thu-

enuris, ideò illi molesta. *Hæc Colle.* Cui respondere non difficile fortean erit; in distinctione etenim prolatâ opponuntur sibi invicem quædam, quæ non sunt opponenda; licet enim species ex rebus naturalibus eliciantur, nihilominus participant de materiali naturâ, quamvis sit spirituosior & subtilior eâ, quæ datur in ipsis rebus naturalibus; & unde spiritualitas illa promanet, nemo faciliè rationibus solidis excogitare poterit.

Th. XLIV. *Exemplum* citatum multis verborum phalangis refutaturi falcem in alienam messem mittere, fateri omninò deberemus, istud ergò accuratiori mentis indagine contemplandum aliis relinquimus: ne autem calamo planè intaeto nudum conspiciatur, paucissimis id verbis, *Gravissimi & Celeberrimi Theologi, Dn. D. Dannh. Patroni mei omni animi obsequio imscheide* prosequendi, *salutare habet; Und ist demnach die sicherste Antwort und absagen/ wer weiß ob gnugsam wahr / was der Historicus, oder sagbrieff* vielmehr Comœdi Dichter allhier auff die Bahn gebracht?

Verba Thyraei (de quibus alii judicent) recitamus hoc modo: *non dicitur* fumus dæmonem profligasse, sed Raphaël Angelus; protulit, dicitur Tob. c. 8. Tobias de cassidili suo partem jecoris, posuitque eam super carbones vivos. Tunc (subjungitur) Raphaël Angelus apprehendit dæmonium, & relegavit illud in deserto superioris Ægypti: quid igitur est, quod dæmonium profligavit. Fumus? non Raphaël Angelus profligavit. Quomodo verò an ob excitatum fumum? nec hoc etiam; veruntamen, quando excitatus est fumus, profligatus est dæmon. *Hæc Thyraeus.*

Vendat suos fumos Colle; vel ut magis subtiliter juxta illud loquamur, species ex illis elicitas; vendat non nobis, sed qui fumis pascuntur.

Th. XLV. *Ad Curam indirectam propositi affectus* progredimur, qui cum sit à tota substantiâ malignus & maleficus, requirit potius, quam indicat alexipharmaca, & alia, quibus opus; quia indicationes curatoriæ, præservatoriæ, & vitales hauriuntur à notis, & manifestis causis, à morbis & viribus, sed in præsentia consumptio manifesta non est, sed maligna in extremo gradu, & modus, quò dæmon, vel ejus ministri, operantur, pariter est ignotus; per experientiam igitur & analogismum remedia invenire debemus, & materias remedium alexipharmacas, quæ valeant debellare & evincere maleficam hanc vim.

Th. XLVI. *Tres autem fontes* limpidissimi se in conspectum produnt.

dunt, ex quibus talia, quæ nobis facienda, hauriuntur. *I. est Pharmaceuticus, quem sequitur Chirurgicus, ultimus est Diateticus.*

Th. XLVII. In Pharmaceutico duplicia dantur medicamenta; vel evacuantia humores vitiosos, quibus diabolus in inducendis morbis utitur; vel alterantia & alexipharmaca, dispositionibus illis, à diabolo inductis, contraria. Evacuantia sint lenientia, ob teneram puerorum ætatem, & inprimis humorem melancholicum respicientia, plerumq; enim diabolus & ejus ministri eò abutuntur, hinc *balneum ejus* esse perhibetur: hisce autem semper alexipharmaca admiscenda, quæ duplici differentiâ incedunt; alia calida frigida alia, si consumptio malefica adnexam habuerit febrem, possumus addere bezoartica frigida; si causa fuerit frigida istius consumptionis, pituita habeatur inprimis ratio, & ei calida admiscenda. Præparantium usûs tali modo alexipharmacis imbutorum; si necessarium duxerimus, ne obliviscamur.

Th. XLVIII, Quibus in medelam vocatis sola alexipharmaca adhibenda: formulas lenientium adscribere nolumus. Alexipharmaca autem frigida sunt, e.g. rad. nymph. pentaph. pimpinell. sonchi. ros. viol. sem. papav. jusquiame. coralla. sandali omnes. fl. sambuc. scorzonera. C. C. præp. margarit. præp. lapides pretiosi. aurum. argentum. diamargaritum frigidum. species triasantalor. cranium vulpis, lupi. lignum corni. lignum cotoneorum. *Inter calida* verò enumerantur hæc; lignum lauri, & baccæ ejusdem. Semen, cortex, & folia citri. melissa. ruta. aristolochia angelica odorata. dictamnium creticum. scordium. verbena. lignum aloës. cinnamomum. caryoph. nux myristica, scilla, semen fœniculi macedonici. gingiber. piper. theriaca. mithridatium. sal. theriacale. diambra. diamoschum. alkermes. alia. Ex quibus omnibus eliciuntur quintæ essentia, extracta, species. Sine dubio hûc referri potest syrup. contrajervæ *Excellentiss.* & *Experientiss.* Dn. D. Beza; Fautoris mei observanti animo venerandi, in officinis Argentoratensibus præstans.

Th. XLIX. Multa quidem alia authores communicant remedia, usu & experientia expolita; illarum tamen efficacias non alio modo accipiendas judicat *Sennertius*, nisi quatenus sunt alexipharmaca, & venenositates, à dæmone, vel ejus ministris, introductas, depellunt & deturbant.

Th. L. *Bartholomæi Carichter* sententia hæc est; remedia, quæ adhibentur in morbis ex Fascino ortis, vires suas exerunt, quatenus influentiis Solis irrigantur, & contraria sunt iis, quæ agnoscunt Saturni; diabolus namque talia usurpat, quæ in tertio & quarto gradu sunt frigida & sicca, quæque spiritibus & sanguini planè adversa & venenosa. Hinc venæ & arteriæ obstruuntur, & necessè est, nisi illis contraria adhibeantur, hominem intra paucum temporis spatium emori. Quam sententiam multi hodierno temporis tractu exosculantur, eamque mysteriis naturæ reliquis indagandis haud parum lucis afferre putant.

Th. LI. Celebrantur autem præcipuè, hypericum, antirrhinum, aristologia utraque, herba Paris, abrotanum, viscum colurnum, alia. Carichter ipse balsamum, uti nominat, egregium describit, cujus ingrediens primum est viscum colurnum, à quo & nomen sortitum suum: hoc in veneficis morbis præstantissimum esse satis superque edocuit *praxie*

Famigeratissimi quondam Medici, Gregor. Horst. & Henr. ab Heer. hanc insuper cautionem affert Carichter, ne istud ferro tangatur, aliàs affectus in pejus mutari. Emplastr. foetidum Mynsicht. notum: nec non ab eodem potio isthæc descripta. Rec. Herb. antirrhin. c. sem. hyperic. pyrol. q. v. coquantur in cerevisia vel vino ad tertias. Ioann. Agricola in Chirurg. parv. ex Carichtero peculiare præscribit balneum infantibus effascinatis, cujus ingredientia potissimum memorata.

Th. LII. *D. Frei* suffumigium pro arcano quidam venditant, sed aliquo modo suspectum occurrit; non quidem improbamus suffimenta, quorum usus intenditur, ut cor & cerebrum corroborent, & humores malignos discutiant, ast illa damnamus, quorum ingredientium pars ex malè olentibus est confecta, idque hunc in finem, ut iisdem diabolum, ut causam externam, abigant, tales enim foetores ex specu foetido Papicolarum exurgunt; & jamdudum hos Iustinum Martyrem, ut Iudaicam turpem imitationem rejecisse, *Excellentissimus Dn. D. Dannhauerus docet. Et hæc de Primo Fonte, Pharmaceutico scilicet.*

Th. LIII. De istis autem remediis naturalibus tum internis, tum externis hoc observandum, si ea adhibere libeat, (cùm sæpè in occultis morbis varia remedia tentare liceat) sine omni superstitione, ceremoniis, verborum pronuntiatione, & similibus usurpanda, ac saltem eorum naturalibus viribus fidendum, cætera committenda Deo.

Th. LIV. Quoad CHIRURGICAS materias non videtur locus venæsectioni concedendus, nam ætas est puerilis, & vires in carnosio genere corruunt, absumitur totum corpus; cauteria tamen nonnunquam nō inmittenda, immò Antiqui transactâ septimâ die solebant inurere caput, & crustas moliri. Hodie fonticuli parantur in brachiis, nuchâ, & cruribus, prout necessitas expostulaverit ad expurgationem pravorum humorum; sæpè catarrhi fluunt à capite, sæpè bilis generatur in jecore, frequenter pituita à stomacho, hæc igitur excrementa facile curantur per cauteria, & nutritiva virtus validior evadet ad restaurandum, & melius debellabitur causa malefica, quando corpus ab excrementorum sarcinâ erit liberatum. Præter hæc, frictiones molles etiam adjuvabunt ad alliciendum alimentum, & sanguinem, dilectum naturæ filium, unicuique parti.

Th. LV. Fons postremus dicitur DIAETETICVS. Conveniens autem victus ratio sit à toto temperamento, & totâ substantiâ, quam etiam nutrici & ægris applicandam censemus, & modò erit refrigerans, modò calefaciens, perpetua tamen adsit alexipharmacorum admixtio. Eligatur primò Aer diversitati causarum moderatè contrarius. Suffumigia, sano sensu intellecta, exulare non debent. Inprimis verò CIBI maxima habenda ratio, multæ sint nutritionis, facilis digestionis, boni succi, paucorum excrementorum, & qui non mox discutiantur, sed commixti alexipharmacis: tales autem cibi, sunt, ptisana, vel ejus cremor, avenata, amygdalata, hordeacea, pulmenta, ex amylo, oryza, aliis, confecta, inprimis verò Lactis, quò vix quicquam convenientius esse, ab authoribus traditur, cùm non solum alat, sed etiam medicamenti rationem habeat. Quibus accedunt, species lapidum pretiosorum, margaritæ. C. C. rad. angel. odorat. cinnam. caryoph. mosch. ambr. Et

Th. LVI. Et quoniam omnis attrahendi & coquendi vis in emaciatissimis vis sit debilis, liquidiora alimenta ipsis conveniunt, cum facile distribuuntur & coquantur, talia autem deprehenduntur, ova sorbilia, destillata ex carne hirundinum, ex cancris, testudinibus. Guainerus ranas addit virides. Colle morsellos quosdam sic parat: Rec. pulp. seu lactis testium gallorum unc. 2. pistaceor. nucleor. pineor. f. peponis, bombacis, an. unc. f. margarit. præpar. scr. i. cinnamom. scrup. f. c. sachar. & aq. ros. F. morselli.

Th. LVII. Potiones variæ exhibeantur ex prædictis, & præsertim juscula destillata. Vinum aliquando conceditur, sed album, tenue, & concinnatum alexipharmacis indigitatis, nempe cort. citri, rad. angelic. aliis. Somnus imperandus consueto longior, qui corpus & vires miro modo reficit. Vigilia autem in frigidis prodest. Exercitationes corporis & animi lætæ, & leves, & faciles, resumendis viribus accommodant. Repletiones ad restorationem deperditæ substantiæ auxiliantur. Alvus perpetuò mollis esse debet, ad quotidiana excrementa primæ, secundæ, & tertiæ concoctionis dissipanda. In quibus omnibus, rerum non naturalium titulo insignitis, probè consideranda, ætas, tempus anni, consuetudo, circumstantiæ aliæ.

Th. LVIII. TANDEM esset procurandum symptomatibus concomitantibus, nempe, inappetentiæ, vigiliis, quas excipiunt ploratus vehementes, inquietudines, sed hisce plenè occurrere, temporis ratio, cujus angustia præcludimur, permittere non videtur.

Th. LIX. CURATIO reliqua DIVINA. In omnibus quidem corporis affectibus nunquam in remediis naturalibus subsistendum, sed semper summi Iehovæ auxilium seriis & devotis precibus implorandum; hoc tamen in primis hîc observandum, & summè necessarium est, quia etsi diabolus sæpè causis naturalibus utitur, tamen vel ipsius causæ natura nos latet, vel modus agendi ignotus est: adhuc diabolus causarum in contrarium agentium vim permissu Dei impedire potest.

Th. LX. Ideoque cum remedia naturalia non sufficiant, ad divinum auxilium & Curationem, tanquam sacram anchoram, unicè recurrendum; & ille, cujus sermo omnia sanat, & qui omnia potest in omnibus, calidis precibus invocandus; cujus occulto iudicio cum ita corripiamur, ipse quoque solus sit liberatio nostra necesse est.

Th. LXI. Dæmonis quidem potentiam magnam scimus, nec hoc tamen ignoramus, illam, quanta, quanta sit, divinæ subjacere majestati, abs cujus permissione, ne in bestias quidem quidquam potest. Illa igitur limitatâ, & fortiter restricta, precibus insuper fuis ardentissimis, firmiter credendum, pieque sperandum, gratiam Dei nobis obventuram, diabolique potestatem in fumum abituram. Ut haud dubiè sibilo illo dæmonem excipere poterimus, quò vox Iuliani Sabæ eadem Iuliani apostatæ: *Sus agrestis* vastator vineæ Domini pœnas exolvit injuriarum erga Dominum suarum, & nunc jacet mortuus, neque amplius ab ejus insidiis metuendum est. Securè etiam licebit voces nostras, Antiochenis ob eandem eandem Iuliani exultantibus jungere; VBI SVNT VATICINIA

TYA, O MAXIME, O STVLTE DAEMON? VICIT
DEVS ET CHRISTVS EIVS!